

WIEN UN DEE BIBOL:
CHRISTUNTUUM AA SCANLONSHA FALA
Bootshofft 1

ENNLEIDING: (Fu woo disu Wiad uut too shraekjun see daut 'Utshpraekjungs Blaut'. For pronunciation see the 'Utshpraekjungs Blaut'.

Ekj bring juunt unn gruss fonn dee 'Living Hope Egangelical Church' enn La Crete, Alberta, Canada. Mien nomunn ess Phil Shlamp. Ekj senn dee leidunda Pradja enn dee Living Hope Evangelical Church. Ekj unn mienu Fruu senn bied enn Vanderhoof British Columbia opp juwossun. Wie habun feeja Kjingja unn feeja Grootkjingja. Onnsu iashtu dree wiarun Mjalluss. Dee tweedu, Donna, unn aa San Levi unn aa Maun, James, senn' hia. Mienu Fruu, Jean, ess ukk hia.

Jie woarun wundurn, 'Wooa romm 8 Bootshofftun aun een Teema, "Wien unn dee Bibol?" Iashtunns, ekj haab dee fonnn 15 rauf jubrocht bott 8. Unn wann ekj daut noch wieda rauf brocht, wann wie dann iasht waich wiarun dann wuud jie saijun, "Hee haff jun nusht jusaicht fonn ditt ooda fonn daut. Dee hafft disu Sach nich u'mol jusheit jushtudiat."

Unn ekj well juunt too rodun, siet juduldich. Ditt ess kjeen kjliana Teema. Ekj well dam Grunnt goot lai jun unn jusheit opp dam buugun. Ekj senn enn dee hopning duat jie emma no dee Woarheit hungurn. Ekj hop jie wellun dee Woarheit. Ekij wuud seeja froo senn' wann jie sadun, "Ditt woa ekkj no seen. Ekj well dee Woarheit."

Ekj well juunt wieda sai jun daut ekj senn nicht jukomun juunt hia too furietun. Ekj senn hia juunt dee Woarheit too bringun. Daut jefft soont daut dee Woarheit eensjumol Shiarichkjeitun bringt unn enn soon faul awajaw ekj Gott daut.

Waut dengk jie funn een Docta waut doa saicht, "Foa mootich no Huus. Aullus ess goot." Oba hee saicht nich dee Woarheit, duat duu Kjraft hasst unn hasst mol unn poa Moonatt too lawun.

Nuu fu mien dietchut, ekj sad juunt daut latstu mol aus ekj hia wia ekj kunn bata Plautengolsh aus Plautdietch. Daut ess noch soo. Entshulj mie wann ekj fala maekj.

Soo dann sai j ekj, welcome too dise Bootshoftern aun Wien unn dee Bibel. Ekj well juunt sai jun woo daut ess jukomun daut ekj disu Bootshoftern mol too'm iashtun jupradicht hab. Enn onnsu Kjoak deed wie nich jujaedun Wien brukkun opp Owuntmol. Unn raicht iarumol wort mie jufraucht, "Why don't you use real wine?" Wooo romm deed wie nich daut waut werklich Wien' ess brukkun? Unn wie haudun eenu jingru Mjaol enn dee Kjoakj. Unn dee fongk aun Alcohol too dringkjun. Unn see, unn aaru Elern sadun, "Waut ess doa mett loos? Waut shot daut unn bat Alcohol dringkjun? Dee Bibel latt ju daut too."

Ekj haud miaru Joa farr daut unn oolut Buuak julasst awa ditt, unn daut bushreef woo daut wia mett Wien enn dee Bibel. Unn aus disu Fraugun kjeemun, dann awa neem ekj mie daut ditt no too studiarn.

Ekj budangk mie bie dee waut onns jukraucht haben hia too, busondash Kjnals Smett unn Hauns Jiesbraicht. Unn dann well ekj mie budangkun bie dee 'Living Hope Evangelical Church' fonn La Crete, Alberta wooo ekj Pradja sie daut see ditt too jujaft haben daut wie kunn komun. Unn dann well ekj mie noch fomm hoatun budangkun too dee Jep Niefolshu, nu Watfruu fonn too joashun Hoafst, bie La Crete fu dee Tickuts butoln daut wie komun kunn. Dann well ekj mie budangkun fu onns Shwia-san, James Wiebe, waut doa ess mett jukomun no daut 'sound equipment' too seen. Unn daut latstu, oba nich daut kjlanstu, well ekj mie bie onnsun grootun Gott budangkun daut hee onns sien Wuuat jujaft hafft. Ekj kaun mie niemols seeja junuuach uut shpraekun woo dankboa ekj sie fu ditt Buuak.

Lot mie iashtuns kloa maekjun fonn waut ekj radun well enn disu Bootshoftern, unn waut ekj daut woa nannen. Ekj rad fonn arjent een drinkj wua, wann eena jenuach doafon drinkjt daut dee dan duun woat. Arjunt een Drinkj waut eenum dam Kop be'dieselt wan dee daut drinkjt woa ekj enn dise Bootshoftern 'Supstoff' nan'n. Ekj woa daut Engolshu Wuuat 'Alcohol' brukkun fu daut Shpiatuss waut enn soon Dringk ess. Dee Teema farr onns ess daut jebruk fonn Wien, ooda arjunt drinkj stoff mett Alcohol. Dee Fraug farr onns ess, "Ess daut aunjunam fu Kjristun arjunt Supstoff ooda Alcohol too dringkun wann daut massich jebrukt woat?"

Too'm aunftangk well wie un bat betrachtun waut fonnu shwoaru Sach ditt ess. Eck senn mie awa dee Joarun kloa awa disu sach je'worden daut daut nich aunjenam ess fu ein

Kjrisst arjunt Supstoff, Alcohol, too drinkjen. Too'm onns kloa maeken krakt woo shwoa dise Fraug ess well ekj too nu Ennleiding onns iasht faa stallen woo ekj met dit omgon'n well, un dann well ekj onns nu kjlienu Jeshicht fu'tallen waut onns woat halpen too fu'shton'n waut fonnu groote Sach wie farr onns habun enn dise Bootshoften.

I. DEE ENLEIDUNG

A. DEE SACH

Soo dann, woo ekj met disu Sach umgon'n well ess daut soo uut too sattun auss wann dee Fraug aun Supstoff ess farr'um Jerecht ju'komen. Disu Sach ess wordun soo auss ditt faa ju'brocht: "Dee Shreffft aarlaubt een Christ Alcohol massich too brukkun." Nu ess dee Sach ol een mol farr'um Jesatz ju'wasst unn dee Rechta unn Ennjushwoarnu senn sikj aula gauntz eenich ju'wasst daut dee Auntwuut ess 'Jo'. Nu ess dee Sach noch wada fresh upp ju'kommen doa derch daut niat Informatjion ju'kommen ess, unn ekj saul dee Aunklaufetrata sen'n. Ekj saul daut nuu opp wiesun daut dee Auntwuut saul 'Na', nich 'Jo' sen'n. Dee waut jaejun mie sen'n unn dee Striet jaejun mie ess soo groot daut sikj daut soo sitt daut woat ummaejlich sen'n dam Rechta aun mienu sied too kjrie'n. Unn, du, leewa Toohiera, woasht dee Rechta senn.

Onnsu Mennonitun habun daut soo goa noch maess, wan nich gaunts fom aunfank aun too ju'loten. Enn onns Launt jawun dee Ewangelistashu Kjristun daut meeja unn meeja bie. Daut unn bat Supstoff dringkun nich shodun deit ess soo ju'meen daut aarjun waa waut daut nich jleeft ess too dee miashtu soo wiet uut'um Shtraek daut daut nich wiat ess Tiet namun no dam too horchun. Ditt ess woo shwoa mienu Sach ess, dam Rechta proowun too wiesun daut dee Biebol jaejun aulut Supstoff, ooda Alcohol ess.

B. DEE JE'SHICHT

Nuu wuud Ekj onns jleichun nu Je'shicht too fe'tallen waut onns unn bat wiest woo kloa sikj daut shient daut unn bat drinjken unn doont ess, unn woo daut soo sitt eena brukt doa nich wieda awa Ju'dangkun fierun. Unn doch fraug ekj, mucht daut sen'n daut soo goa een

Dringk habun oraicht ess? Disu Jeshicht kaun onns wiesun daut wann jieda eena mucht sajun daut dee sach ess gaunts kloa, doch mujen dee aula o'raicht sen'n. Dee Ju'shich farr onns ess nu Jusatsmassolju Ju'shicht. Dee Shriewa fonn disu Ju'shicht heet Lee Strobel. Daut Buuk wua dee Ju'shicht bushrawun ess heet opp Engolsh, "The Case For Christ".

Hee shrifft soo: "Enn dee Radensoat fonn Aunklaufetrada, dee Omstaunt jaejun James Dixon, wua waa hafft fu'socht unn andrum doot too maeken, wia seeja kloa. Op, unn too. Eena brukt doa nich lang awa durren daut Dixon dam Politz Maun Richard Scanlon haud e'm Buk ju'shoten auss hee met dam ju'raussolt haud, doa enn Chicago siednu sied.

Biet bie Biet, Pungk bie Pungk, Ssieg no Ssieg, hold dee Bewiess dam Shtrangk romm Dixon sien Jenek faussta. Doa wiarun Fingashpoaren, unn een Jewaa, unn soonu waut duat hauden ju'seen, unn nu Uasaak woaromm dee daut mucht habun judon', unn unn aunjushotna ooda fuwunda Politz unn dann noch diss Maun waut ol fal wia Juwaultsom ju'wasst. Daut wia auss wann Dixon opp dee Daa shtunt, wuu dee waut ju'hongun woat bowen shteit, unn dee Shtett waut dee Daa nopp helt wia reed wach ju'raten too woarun, unn wann daut wort daut wuud Dixon lotun hengun bie daut ju'wicht fonn siene aujenu Shult.

Dee werklichkheiten wieren kloa. Dee Politz, Scanlon, haud sikj no Wasst 108du Stad, ju'shpoot no dam daut een Noba dee Politz haud aunju'roopt daut doa unn Maun mett nu Flint wia. Auss Scanlon dann hann ju'komen wia, funk hee Dixon doa unn dee deed sikj luud mett sien Mejalus Frint bie dee faashtu Daa bie aa Huus shtriedun. Aa Foda kjeem dann unn sach Scanlon unn docht daut wia nuu nu bu'woaru Tiet ruut too komen.

Dann, hausstich fonk doa unn Feit aun tweshun Dixon unn dam Foda. Dee Politz klungd futs nenn ditt opp too braekjun. Unn shoss jingk auf, unn Scanlon torjchold waich. Amm wia em' Bukk jushotun. Jrod donn, kjeemen twee andru Politz Korun, unn bramsdun but daut shtell hillt, unn dee Politz randen hann Dixon fausst too namun.

Dee kjlienu 22 Hauntflint waut too Dixon ju'hiad, unn follu sienu Fingashpoarun unn met een Kuugol auf ju'shoten wort dich bie ju'fungen, wua hee dee goot maejlich kunn hann hann ju'shmaten no'm sheeten. Dee Foda haud kjeen ju'waa; Scanlon siene Hauntflint wia noch enu Taush. Daut ju'brenn fonn daut sheet polwa wia opp Scanlon sienu Huut, unn bu'weiss daut hee fonn seeja dich bie wia ju'shoten wordun.

Too'm goodun jlek sienu Wunnd stuntt am nich aum lawun, oba daut wia groff ju'nuach daut hee unn Au'ju'denksknoop kraech fu sienu Oabeit on Angst doon. Ditt wort amm brow aun ju'shpalt bie sien Oppsechta. Oba, soo auss fu Dixon, dee Politz fungun uut daut hee ol eeja haud wam ju'shoten. Daut leet soo hee wia ju'trubolt mett Jewault driewen.

Unn dee shriewa saicht, "Unn doa saut ekj meiss een Joa lota, unn shreef sachun dol enn dee jurecht's Shtow woa Dixon daut too shtunt farr aul dee Menchun, daut, jo, hee wia shuldich fu dam Maun waut 15 Joa wia Politz Maun juwasst, sheetun. Bowun awa aulluss waut jaejun am shtunt, daut hee ditt too shtunt daut shloot amm faust. Dee Kriminal Rechta, Frank Machala, bu'shtald Dixon fausst too namun e'm Ju'fenkniss shtalun, unn knauld unn poa mol mett sien Jerechts Homa daut dee Omshtaunt awa wia. Dee Sach wia foadich."

Nuu, ekj jleew disu kortu Ju'shicht bu'wiesst woo daut ess mett Wien enn dee Bibol. Jieda biet Oppwies, wiesst doa opp hann daut Gott Wien seijent wann daut woat meddolmasich ju'brukt. Dee Ommstaunt ess op un too. Dee Homa mucht kloppen, unn dee Sach es buradt. Unn dee Pradja waut jaejun Alcohol pradicht, hafft fu'shpalt eeja dee hafft aunjuufongun. Dee oppwiess aun dee sied fonn Alcohol enn dee Bibol selsft ess soo groot, daut daut nu sach ess waut op unn too ess. Soo sitt daut.

Well wie u-mol seen woo kloa daut ess enn dee Schreff. Wie dreijun no dee eishtu shtad wua duat Wuut 'Wien' ju'brukt woat enn dee Schreff. Ekj woa onns 1 Mosee 9:20-21 lasun, "Nooa oba, fongk aun unn Akkamaun too senn unn plaunt unn Wiengoadun. Unn aus hee fonn dam Wien drungk, wort hee budrungkun unn lach naektich e'm Tselt." Daut eishtu dingk waut wie

hia lierun ess daut dee Wien fonn waut dee Schreff
rat ess Wien waut ju'jaet hafft, dan Nooa wort duun
fonn disun Wien.

Dan drei wie butt 1 Mosee 49. Enn disun Kapitol
saejunt Dee Foda Jacob siene Sans jrod eeja hee
shtoaft. Unn enn dee 10-12 Farshtun saejunt hee
Judah. Daut saich soo: "Dee Kjenikstock woat nich
fonn Juda junomen, sien Rujierungs Stok woat nich
fushwinjen, butt dee Riachtshuldna kjemt. Dam woaren
dee Felkja ieren. Hee binjt sienun Asel aun dee
Wienrank, unn sienen junjun Asel aun dee bastu Rank;
hee wausht siene Kleeda en Wien unn sienen Rock en
Wiendruwensauft, soo auss Bloot. Siene Uugen sent
dunkla auss Wien unn siene Tan'n witta aus Malkj."

Dan en 3 Mose 10:8-9 shrift daut soo: "Dee Harr radt
met Aaron un sad: Du un diene Sans sellen kjeen Wien
ooda stoakja Jedrenkjun drinkjun wan jie en daut
Fesaumlungszelt gonun, sest woa jie stoawun. Daut es
eene Ordnunk fe'emma fe aul juune Nokemendu." Nu,
hia ess kloa be'shrawen wan eeja see nich Wien
drinkjen sullen. Fonn daut hab wie kloa too lieren
daut wann dee priesta derch wieren mett aare oabeit
enn daut Zelt, dan kun'n see wada wien drinkjen. Fonn
ditt kje wie uk kloa liaren daut aul dee waut nich
priesta wieren maejun too arjent nu Tiet Wien
drinkjen.

Soo wuud wie kjen'n Shreft Stad no Shreft Stad no
seen'n unn daut kunn nich fal kloara woaren; unn bat
Wien drinkjen ess bie Gott je'saejent. Wie wuuden
kjenn no daut Nia Tastement gon un lasen fonn Jeesus,
un daut hee Wien je'maekt hafft. Un au'm eng wuud wie
bloos emma wada un wada seen daut met unn bat Wien
drinkjen nusht loos ess. Dan laicht doa too noch daut
dee Bibol Sheila waut disu Sach ju'shudiat haben maes
alla soo seen daut dee Schreft un bat drinkjen bie
jeft. Dan laij doa noch doa too daut soone groote
Kjristun aus Spurgeon, unn Mueller, un Luther, un
Whitfield alla un bat drunkjen, dann ess dee
Ommstaunt soo secha ju'maekt daut wie nich meeja
duuren brukken. Doa ess bloss nusht met loos met un
bat Wien drinkjen.

Oba nuu, eeja duu dise Jerechts Stow felatst, unn mie
aufshrifts, unn die eenich woasht nich too horchen

waut ekj wieda too sajen hab, lot mie noch unn klieut bat wieda lasen fonn disum Dixon, waut mengt hafft dam Polits jushotun. Dee shriewa shrift awa dam naekstunniet Kapitol soo: "Dee Fushol fonn Een Spiejoon". Disum, waut ekj unn Spiejonn nann, opp Engolsh saij wie unn 'spy' ess soona waut sikj informatsjion sakt unn dann daut fukjafft toom Jelt meakjun.

Hee shrift soo: "Ekj auntuut dam Phone enn dee Norecht's Stow un kjand dee Stem fuuts. Daut wia een Spiejoon waut ekj haud ju'liat bruken daut Joa aus ekj bu'shreef waut enn daut Kriminal Jurecht's Huus pusiad. Ekj kunn enn woaren daut hee haud waut grootut fu mie, dan dee jratta dee Sach, de bosja un jleija fu'talld hee, un hee pluddad nu Miel du Minuut.

Hee fruuch, "Lie, denkt die daut Dixon Uadeel noch?"
"Jo, secha", sad ekj. "Ekj hab daut mol twee Daugol trig beshrawen. Daut wia simlich ju'weenlich."
"Sie die nich too secha. Daut Wuut ess daut un poa Weaukj far daut sheetun pusiad wia dee Politz Scanlon bie een Partie, unn wees siene Stolfada ooda Pen Flint doa auf."

"Sien waut?"

"Sienu Pen Flint. Daut ess nu 22 haunt Flint waut no ne Stolfada ooda Pen sit. Daut ess nich erlaubt soonu to habun, nich mol bie Politzen."

Aus ekj am sad ekj kunn nich seen waut dit met arjunt waut too doo'n haud, wort siene stem noch lawenja.
"Hia ess dee Sach. Dixon haft Scanlon goanich ju'shoten. Scanlon wort aunje'shoten aus siene ajunu Pen Flint derchum o'jlek auf jink enn siene Fup. He muuk daut soo loten daut Dixon am je'shoten haud soo daut hee nich wuud enn trubol komun waejun sienu unerlaubdu Flint. Kaus nich seen'. Dixon ess o'shuldich."

"U'maejlich!" sad ekj.

Unn hee saicht, "See die daut selfst no. See wua daut oppwies werklich hann wiest" (Blada 10-11).

Ekj woa dee je'shicht fonn doa un bat fe'kjartern, bloos too sajen daut dee gauntze Sach wort wada no ju'sucht', unn Stobel shrift soo: "Too dee selwje

Tiet fongk ekj selfst aun dise Sach no too sakjen. Ekj bu'sach mie dee Stad wua daut ju'worden wia unn rad met dee waut daut dutlengd ju'seen haudun; rad met Dixon unn sach no, daut waut too seen jink. Aus ekj daut no sach, wort waut seeja intressauntut. Aul daut nia informatsjion waut ekj opp growd, unn soo goa noch daut oolet waut too eene Tiet soo kloa bu'wasen haud daut Dixon shuldich wia, wees too'm paus no dee Pen Flint Gruntsauts" (Blaut 11).

Nuu, unn jiedra kaun sikj dise Jushicht selfst no lasen. Toom eng, daut wort kloa daut Dixon o'shuldich wia; Scanlon noomen see dam Aunjedenksknoop waich unn saden am loos fonn dee Politz oabeit.

Nuu, ekj well dam Faashlach maekjen daut, krakt soo aus ditt, ess daut mett Wien ooda mett Alcohol enn dee Shreft. Won eena daut jrod soo no sit wiest daut bloos no een Auntwuut, un daut es daut dee Shreft un bessje drinkjen too lat. Oba, wan eena daut mol aula no sit, Stek bie Stek, biet bie biet; jaw Ekj faa daut dee Shreft lat daut nich too daut eena arjunt suup Stoff drinkjen mucht; leewa, dee Shreft fu'daumpt soo goa, unn kjlienet bat Alcohol, wada Wien ooda arjent nu aundre sort. Wan du, leewa Toohiara, no disu Bootshofften horchun woasht, woash duu dee Rechta sen'n. Unn duu muchst nuu sajen, "Kun ditt werkllich de Sach sen'n mett Wien enn dee Bibol?" Unn ekj beed aun, "Kom unn horch."

II. DEE FE'SHIEDNU ENTSHLUSSEN AWA WIEN ENN DEE BIBOL

Nuu, well wie onns mol disu Fraug stallen: Woo habun Kjristun aun dissu Sach naun ju'kjikt awa dee Joarun waut fe'bie sen'n? Sen'n doa bloos twee Waej disse Sach to be'seen'? Ekj well onns 4 fe'shiedne Waej faa stallen woo eena no disu Sach kjikun kaun. Dee jiedra mott sikj eent fon dee walun, buta doa noch arjunt nu aundru Waich mucht sen'n. Dann, aum eng woa wie farr Gott shton' unn raekjunshofft jawun fu woo Gott daut jumengt hafft unn nich woo wie daut fustonun habun.

A. Dee Bibol Erlaubt Drinkj Met Alcohol

Dee iashtu waich dit too be'seen, ess daut dee Bibol daut erlaubt daut Mench unn bessju Supstoff dringt. Ditt ess woo dee miashtu fonn onnse Mennoniten daut

bu'seen habun fonn eeja wie bot Russlaundt je'troken wieren. Ekj hab wesse Baka waut wie opp Engolsh Encylclopedia nan'n. Daut fe'haundolt sikj awa meis arjunt ne Sach waut dee Shreffft met too doonen haft. Dise Baka sen'n awa 100 Joa trig je'shrawen un daut jeft shlacht batre. Un dee sajen daut Wien, wan daut met mot woat je'brukt es bie Gott aunjenam. See sajen soo: "Wie shlonen faa met dise Sach to haundoln wielts wie e'm Jedangken hoolen, dee Shreffft un waut goot un shlacht ess, on'n daut onns Sen je'hindat ess met waut uutjeliadu Manna sikj awa je'straden haben, unn doa derch sikj haben loten faulen... En dee miashtu Shreffft stada wua 'jajin' (Wien) je'brukt woat (83 oot 138 mol) ess daut secha daut daut je'jaeda Wiendruwen Sauft ess un en dee awaje kje wie daut uk soo namen. En bloos feeja (Jisaija 16:10; Jeremiah 11:10-12; Klauleeda 2:12) ess daut too be'duuren. En kjeenu Shreffftstad kaun daut kloa je'wasen woaren daut daut waut aundret mengt. Daut Engolshe Wuut 'Wine' (Dietch Wien) mengt 'je'jaeda Sauft fon Wiendruwen.' Daut mengt ditt emma, buuta wann daut fe'endat woat derch daut waut met daut toop je'brukt woat. Daut selvje helt soo met dee namolje Wiad em Griekashun" (Blaut 523).

Soo dan, een Be'schluss waut fale Kjrissten haben je'maekt awa je'jaeden Wien drinkjen ess daut un bessje dringjen ess Shreftjemasich. Un ekj wuud saijen daut bie wiet dee miashte Kjrissten wuuden saijen daut daut soo ess en dee Shreft. Mangk dee Kjrissten em Nooaden America nempt diss Entschluss seeja too.

B. Dee Shreffft Erlaubt Kjeien Jujaedut Dringktich

Nuu, wan ukk dee miashte jejaedet dringktich erlauben, doa sen'n soone dee saijen Gott deit onns aulet jejaedut sauft auf saijen. Daut ess disen entschluss too waut ekj je'komen sie. Mien fe'shtentniss fon Gott sien jeraichta Karakta erlaubt mie nich too dengjen daut daut maejlich es daut arjent je'jaedet dringjen erlaubt ess bie Gott.

Oba, lot mie dit doa too saijen, ekj wuud disen entschluss nich jemaekt haben wan doa kjeen Grunt faa wia. Un ekj wuud dit ukk noch doa too laijen: Ekj jleew dee Grunt too dise Sach licht en daut oolet

Tastement. Ekj wuud noch wieda gon'n un saijen daut eena kun dise Sach foadich maekjen enn Mooses siene 5 Bakja auleen.

Miare Joa trig aus ekj no Bibol Shool jingk lauss ekj un Buuk waut bie 100 Joa trig je'shrawen wia daut heet, "Bibol Wien Ooda Dee Jesatsun Waut Jaeren Rejieren". Daut wia un William Patton waut daut je'shrawen haud. Daut wia Joaren nohaa aus ekj dit Buuk fe'socht too kjrian un shlieslich fungk ekj daut. En dit Buuk, kjeem dee fushol fonn een spijoon jaejen arjent je'jaedet dringken. Enn dise Bootshofften woa ekj disen Entschluss fe'saekjen too wiesen fon dee shreft.

C. Dee Shreft Erlaubt Wien Dringken Oba...

Ekj well noch een dreeden Entschluss jawen waut wesse Kjristen hoolen. Daut ess daut dee Shreffft erlaubt un bessje je'jaedut dringktich too dringken oba weisheit wiest eena sul daut nich. Dee waut dit jleewen kjen'n doa nich rom daut dee Shreft daut too latt, oba see kjen'n fon aule arfoarenheit seen' daut daut well too'm shoden fieren. See haben je'seen woone groote Sinden dit hafft je'brocht, un doch daut shient soo Gott erlaubt daut, nuu sen'n see, soo too saijen tweshen een groota Shteen un ne seeja hoade Stad. Doa derch sen'n see met soon Entschluss opp je'komen.

Een Dichta saicht, "Derch dee Tieden wua wie ben'n lawen, fe un Kjrisst soo goa un bessje dringken ess nich ne goode Jedee." Ekj sai, wan Gott daut erlaubt, weet wie bata auss Gott? Wisst Gott nich en waut fonne Tieden wie wuuden nen'n jroden? Waut forn Gott hafft diss Dichta? Ess dit dee Aulwissenda Gott wua dee Shreffft fon radt?

Noch een Dichta waut selfst un bat dringt un disen namoljen Entschluss je'maekt hafft saicht, "Ekj rod kjeenem too un bat too dringken, ooda doa mett aun too fangen, oba too dee selwje Tiet kaun ekj nich auf saijen waut dee Shreffft saicht ess een doont mangk Gott siene Menchen, fe soone waut daut mujen wellen ootnutzen waut Gott too latt - soo aus Jeeses selfst deed." **

Dee waut soo dengkjün saijen daut ess nich ne goode Jidee un bat too dringkjün oba dee Shreffft latt daut too.

No dam daut ekj disu Bootshofftun jushrawun haud, kjaich ekj Ekj unn e-mail mie oppmoaksum too maekjün waut too disu Tiet mangk daut Americanashu Kjristun Folk jujleeft woat awa Wien dringkjün. 40% fonn dee Kristun waut wie nannun 'Conservative' (soonu waut nock trig hoolun) dringkjün Alcohol. Mol opp un besju, oba dee habun daut unn dringkjün daut. Dee miashtu fonn dee awaju, waut nich dringkjün, doon' daut nich doa derch daut see jleewun daut daut o'raicht ess, oba doa waejunts daut see jleewun daut daut nich siemlich ess fu unn Kjrisst.

D. Ekj Wuud Daut Leefstu Nich Meeja Weeten Fon Dit

Doa ess noch een Entschluss waut wie kun'n maekjen un daut ess: Ekj wuud daut leefste nich meeja weeten fonn dise Sach. Wann ekj sul no soone Bootshofften hochen ooda ditt sull stedieren, dan much mie dee Jewessen aun fangen too plaugen, un daut well ekj nich. Soo lang aus ekj nich meeja weet fon dit aus nuu senn ekj oshuldich un dan kaun ekj aun hoolen met un bat dringken.

Doa too wood ekj ditt jleichen too saijen, daut wan daut oraicht ess, sen ekj shuldich aus ekj daut weet ooda nicht. Doa ess ne shwakheit mangk onns Mennoniten un daut es daut wie wellen eensjemol nich too fal liaren doa waejen daut wann wie doon, dan woa wie fu meeja shuldich sen. Oba, wan wie dee je'laejenheit haben too liaren, dan se wie shuldich auss wie weeten ooda nicht.

ENTSHLUSS: Nu, enn disu iashtu Bootshofft hab ekj bloos prooft too wiesun woo kloa daut ess too dee miashtu daut doa nusht loos ess mett unn bat Alcohol dringkjün. Unn wann eena dee Shreffft lasst, sitt daut ukk gaunts kloa daut daut bie Gott ssimlich ess unn bat Alcohol too dringkjün. Unn ekj hab daut fujlikkt mett dee Jushicht fonn Dixon, unn daut daut ukk gaunts kloa wia daut hee Scanlon jushotun haud. Oba, aus daut iasht wort biet bie biet no juseen, wia daut oba nich soo aus sikj daut soo kloa julotun haud. Unn ekj hab faa jujaft daut daut soo ess mett Alcohol enn dee Shreffft.

Enn dee naekstu sawun Bootshofftun well ekj daut oppwies
jawun waut ekj jufungun hab, unn dann kje jie daut uut
waejun waut ekj too saijun hab. Aum eng woa jie fu juunt
selfst rechtun mottun. Unn ekj sai j daut noch mol aum
Jurechtsdach woa wie doa no jurecht woarun aus Gott daut
jumengt hafft, nich doa no woo wie daut fushton habun. Much
Gott unn jiedrum unn opnun Senn jawun unn unn fulangun no
daut waut raicht ess.